

LA
SECONDE PARTIE
DV
COVRIER
POLONOIS.

APPORTANT DES NOUVELLES
De l'autre Monde, au Prince
de Condé.



A PARIS,
Chez la vefue JEAN REMY, ruë faint Iacques,
à l'Image S.Remy, près le College du Plessis.

M. DC. XLIX.
AVEC PERMISSION.

202

L. A.

SECOND EDITION

CARRIER

POLYMER

THEORY AND PRACTICE

OF THE POLYMERIZATION OF MONOMERS

IN AQUEOUS SOLUTION

BY J. H. H. H.

AND J. H. H. H.

OF THE UNIVERSITY OF CALIFORNIA

AT BERKELEY, CALIF.

1955

1955

1955

1955

1955

1955

1955

1955

1955

3

LA
SECONDE PARTIE
D V
COVRIER
POLONOIS,

*APPORTANT DES NOUVELLES
de l'autre monde, au Prince de Condé.*

Le Polonois.

M

E voyla iustement entre deux E As, chez Guillot le songeux, bien empesché à resoudre ce que ie dois faire, & comment ie viendray à bout de la commission que Charon m'a donnée; ie ne suis qu'un Spatre ou Phantosme, qui apporteray de la frayeur & de l'espouuante à ceux qui me verront, qui feront tout aussi-tost gilles où du moins le signe de la Croix, partant il seroit besoin que ie fusse couuert, mais ou prés de l'argent pour m'auoir un habit, ceux qui reviennent d'où ie viens n'en sont gueres chargez; & notamment les Soldats du Prince de Condé n'ont que faire de craindre les l'arrons. A propos il

me souuient que ces iours passez, vn bon compagnon de mesme farine que moy, fut attaché à vn noyer pour faire peur aux pigeons, afin qu'ils n'allassent manger le bled nouueaux sumé, on luy laissa son habit de ce satin, donc on fait des ailles aux moulins: pource que celuy qui le posa en sentinelle, ne vouloit point porter tant d'état, il vaut mieux que ie le prenne, cela vaut fait: mais ie suis assiegé d'une nouuelle apprehension, le cœur me palpite & me pronostique quelque malheur, si ie rencontre le Payfan qui me fit aller en l'autre monde, que feray-je? s'il ma tué ayant vne espée, comment m'accommodera-t'il à present que ie n'en ay point? courage passons outre, qui ne s'aduanture n'a cheual ny mulle. l'ay promis au sieur Charon d'accomplir son mandement, & puis qui me reconnoistroit en ce chetif & mesquin équipage? en deuissant le temps se passe, ie ne croyois pas auoir tant exploité de chemin, me voicy près d'un Village.

La Sentinelle aduancée.

Demeure là.

Le Polonois.

Ie suis tout demeuré, Sentinelle ie te prie de me vouloir apprendre quel Village est-ce icy, & celuy qui commande.

La Sentinelle.

S'enquister de cela est d'angereux, & ie ne sçay qui m'empesche que ie ne paye ta demande en plomb & en poudre.

Le Polonois.

Vn bon sujet m'ameine icy, quand i'auray conféré avec vous, vous le iugerez de mesme, & prendrez plaisir de m'introduire aupres celuy avec qui i'ay affaire; car ie reconnois que vous estes à luy, & vous ayma long temps à son seruice.

La Sentinelle.

Cher amy Polonois est-ce toy, d'où viens-tu? vraiment ie te resconnoissois: mais ta parole ta manifesté, ou vas-tu avec cét habit de toille? vas-tu pescher des escreuices ou bien quelque bourse tombée dans la riuere.

Le Polonois.

La necessité me l'a fait prendre à faute d'autre, ie viens d'un estrange pays.

La Sentinelle.

Que t'est-il arriué? as-tu esté pris prisonnier par les Parisiens?

Le Polonois.

Ie ne suis plus le Polonois, mais son malheureux esprit seulement, quant à mon corps, il est peut-estre à l'heur que ie parle mangé des chiens, pour n'auoir pas eu de sepulture.

La Sentinelle.

Tu m'estonnes de ce que tu me dis, & ton minois me descouure que tu es bien different de celuy que tu fus jadis.

Le Polonois.

Sasche que dernièrement allant à la picorée, abusant de la licence que donne la guerre, ie me ruay de-

6
dans la case d'un pauvre manant, & non content de l'avoir mis à blanc, ie violay sa fille & sa femme; vne iuste douleur le porta à la vengeance, si bien qu'il prit son temps à propos, & à l'heure que ie pensoit estre comme l'on dit, franc du collier, il me descarga vn si grand coup de leuier sur là teste, qu'il m'enuoya en poste au royaume des taupes, sans me donner loisir de me confesser estant arriué-la, & rodant sans guide ny conduite, ie me iettay dans vne riuere, ou ie croyois qu'il fut libre à chacun de nager. Charon qui tient à ferme ce passage, me descouurit & me tira à luy avec son croc, reprimendant severement ma trop grande hardiesse, apres que sa furie fut passée, nous nous mîmes à deuiser ensemble, il m'interrogea de ce qui se faisoit par deçà, ie l'interrogeay pareillement de ce qui se faisoit là bas; surquoy il me conta des choses étranges, & qui me donnerent de tres-chaudes allarmes.

La Sentinelle.

Mais tu ne dis rien de l'occasion de ta Venal, & comment l'ont'a enuoyé en ces quartiers.

Le Polonois.

Tout beau, de fil & aiguille, poco à poco.

La Sentinelle.

Tu auras tantost assez de loisir pour me faire entendre le reste de cette histoire, voicy mon Caporal qui vient me leuer de faction, allons nous en chez moy prendre l'air d'un fagot, il fait grand froid, nous descouëfferós ensemble vne bouteille de bon vin, & puis apres ie te meineray à celuy que tu desire aborder.

Cela n'est point de refus, i'en ay bon besoin, ce sera pour chasser les araignées que i'ay dans la gorge, allons mon cher amy, dépeschons nous, i'ay de grandes affaires avec le Prince de Condé.

La Sentinelle.

Allons ie t'y meine toute à l'heure, il a couché chez le Marechal de Villeray, & doit partir dans vne heure pour aller assieger Brie.

Le Polonois ayant déjeuné & parlé au Prince de Condé.

IL fait bon auoir des armes en Paradis, au Monde & en Enfer, cette sentinelle que i'ayrencontré, ma fait repestre, chauffer & expedier mes dépesches, ie n'ay plus qu'à prendre mon sac & mes quilles, & m'en retourner porter la responce au bon homme Charon, des nouuelles qu'il m'auoit donné charge d'apporter de l'autre Monde au Prince de Condé. Bons Dieux que ce Prince à la mine effroyable, il a bien du mal content dans son interieur, il ne dit pas tout ce qu'il pense ny où il en est, si ie suis bon phisionomiste, ie le iuge estre autant confus dans l'ame comme l'estoit l'ancien Cahos, escriuant ma responce, tantost il escriuoit, tantost il effaçoit ce qu'il auoit escrit, tantost il faisoit vne ligne, & puis il entre-méloit des mots qu'il auoit oubliés, tantost il rayoit tout & recómençoit de nouveau, signe & marque assurée de sa confusion, de son inconstance, de son humeur

boüillante, ou de son inquietude. Je suis d'aduis d'ou-
 urir ses lettres & de sçauoir ce que ie porte, que sçay-
 ie si ce n'est point ma condamnation, ou s'il ne me
 recommande point à quelque Diable de sa connois-
 sance. Si le bon homme Vrie eut ouuert celles qu'il
 portoit & qu'il auoit receu de Dauid, il n'auroit pas
 esté homicide comme il fut: faute de prudēce beau-
 coup de malheurs arriuent, son exemple me rendra
 sage, ouurons l'œuf, voyons s'il est plein ou vide, bon
 Dieu ie ne sçay qui fait disparoistre les choses entre
 mes mains, ie tenois & ie ne tiens plus, qui me don-
 nera vn bout de chandelle pour trouuer ce que i'ay
 perdu: entre-cy & demain si ie le trouue, vous en au-
 rez la representation & la lecture où vous apprende-
 rez (amy Lecteur) ce que vous ne sçauiez pas en-
 core.

F I N.

LE COUVRIER POLONOIS,

APPORTANT TOVTES LES
Nouvelles de ce qui s'est passé en l'autre
Monde, depuis l'enleuement du Roy
fait par le Cardinal Mazarin à S. Germain
en Laye, jusques à present.




A PARIS,
Chez' la vefue JEAN REMY, rue S. Jacques, à
l'Image S. Remy, près le College du Plessis.

M. DC. XLIX.
AVEC PERMISSION.

COUVERTURE POLYCHROME

APPORTANT TOUTES LES
Nouvelles de ce pays et de l'étranger
Monde, depuis son départ du Royaume
par le Cardinal de Retz, et de
en l'ave, indiqués à l'entrée.



A PARIS
Chez le sieur JEAN RIMY, Libraire
Rue de la Harpe, à l'entrée de la Cour du Palais
M. DE LA HARPE
ANNEE 1713



LE COUVRIER POLONOIS.

APPORTANT TOUTES LES NOUVELLES
de ce qui s'est passé en l'autre Monde, depuis l'enlèvement
du Roy fait par le Cardinal Mazarin à S. Germain
en Laye, iusques à present.

D'Où vient ce murmure de mes eaux, quel vent les
agite, qu'on me donne ma chemisette ie crains
d'estre enrhumé, mais pourtant ie ne sens point de
froid; qui pourroit donc mouvoir mes ondes dor-
mantes? l'ay besoin de toutes mes oreilles où les yeux ne ser-
uent de rien à cause de l'obscurité de cette nuit; escoutons
i'entens quelqu'un, à propos ces flammeches sorties des gouf-
fres d'enfer viennent au defaut de ma lanterne que mon valet
a laissé tomber. Je voy nager ie ne sçay quoy dans mes eaux,
il faut que ce soit vn esprit qui se vienne enregistrer sur le liure
des morts; holla, où vas tu, qui te fait icy baigner sans
mon congé & dans le mois de Fevrier? tu pretens me frustrer
du droit qui m'est deu, par la mort ie te ramonneray bien les
costes.

Le Polonois.

Je vous iure mon Maistre que ce n'a point esté pour vous
frustrer de vostre gain, ne voyant point vostre nacelle ie me
suis ietté en l'eau pour passer plus viste à l'autre rive.

Charon.

Il n'y a pire aueugle que celuy qui ne veut point voir,

4
quelle haste auois tu, qu'est-ce qui te pend au col, est-ce le
denier qui m'est deu? que ie voye, aga! c'est vne lettre, à qui
s'adresse elle? elle est elcrite en chiffre. Par le stex il y a icy de
l'abus, ie n'ay pas fait peu d'apprehender ce pendent, es-tu
Messager ou Espion?

Le Polonois.

Ie ne suis ny l'un ny l'autre, mais vn François scachant que
ie venois en ces lieux, ma chargé de cette lettre qui s'adresse
au Cardinal du Richelieu.

Charon.

I'empeschera bien qu'elle luy soit renduë, ie la sub-
mergeray presentement, afin qu'elle ne nuise à personne, &
que ce Cardinal à qui elle est adressée ne soit persuadé de
troubler l'empire des defuncts, comme il fit autrefois la Fran-
ce. Outre cette missiue n'as-tu point parole de creance à luy
porter.

Le Polonois.

Non, si ce n'est que i'ay entendu dire que s'il pouuoit re-
uenir au monde, il trouueroit les cartes bien brouillées.

Charon.

Il est aisé d'entrer icy, mais d'en reuenir point de nouuel-
les, c'est là que le diable est, les Sentinelles ne s'endorment
pas, & nos Portiers ne laissent pas leurs clefs. Mais qui es-tu?
d'où viens-tu? qu'elle fut ta profession?

Le Polonois.

Ie suis Polonois, ie viens de France, où i'estois Soldat.

Charon.

Ma foy tu auras icy plus chaud qu'en ton pais, que seruois-
tu dans ta profession militaire, & pourquoy es-tu mort en
France.

Le Polonois.

Le Roy de Pologne nous auoit enuoyez pour seruir le Roy
de France contre celui d'Espagne, & du depuis le Cardinal
Mazarin auoit mandé nostre Regiment pour assieger Paris.

Charon.

Quoy? Mazarin est encore en France, l'on m'auoit dit qu'il
en estoit banny, ie le connois, c'est vn gaillard. Ie passé dernie-
rement son frere qui me donna deux beaux Louïs pour des
medailles

5
medailles de Rome. Hé bien, quelles nouvelles m'appren-
dras-tu?

Le Polonois.

Que les furies d'enfer sont dechainées, & qu'elles sont dans
les troupes du Cardinal Mazarin, que deormais il vous faut
vn barc au lieu d'une nacelle pour passer les ames qui vous
viennent.

Charon.

J'ay déjà ouy parler de ces troupes leuées; J'ay passé deux
de leurstambours qui m'estourdissent. A qui en veulent-
ils?

Le Polonois.

Mazarin veut opprimer le Roy & son Parlement.

Charon.

Qui t'a fait venir icy.

Le Polonois.

C'est malgré moy que i'y suis. Vn Villageois desesperé de
ce qu'apres l'auoir battu & vollé, i'auois violé sa fille & sa
femme, ce vieil cocu me deschargea sans m'aduerter vn coup
de leuier sur la teste, qui separa mon esprit d'avec mon
corps.

Charon.

Voila de beaux ieux, la mort t'a fait trop de grace, tu de-
uois estre pendu, pourquoy pillez vous le pauvre villageois si
vous estes soldoyez.

Le Polonois.

Ouy en monnoye de Singe, necessité contrainct la loy, nous
en prenons où nous pouuons.

Charon.

Le bien d'autrui n'est pas à vous.

Le Polonois.

Si est bien, puisque la guerre nous le donne.

Charon.

Telle guerre est vn manifeste brigandage; ceux qui la fo-
mentent & l'entretiennent en répondront deuant Rhada-
mante en leur propre & priué nom, il n'aura égard au rang
qu'ils tiennent: si cette guerre estoit contre l'Estranger, elle
seroit tolerable: mais celle-cy qui se fait contre la Iustice du

Roy, est vne conspiration contre l'Estat, & vn volontaire attentat sur la vie & biens des subjets de sa Majesté.

Le Polonois.

Ceux qui veulent vsurper l'autorité Royale ny regardent pas de si pres, ils n'ont pour but que leur ambition, & passent dessus tous les obstacles qui se presentent.

Charon.

Vrayment il semble à t'ouïr parler que tu voulusses encor manger de la guerre, & que si tu pouuois rejoindre ton esprit avec ton corps tu ferois feu, semblable aux dents du sanglier fraichement tué, qui conseruent long-temps vne vehemente chaleur qui brusle tout ce qu'on approche d'elles: laisse ces souuenirs criminels, tu es bien-heureux de n'estre plus parmy ces insensez; tu serois vn tueur de gens, execrable a la nature qui est si fort ennemie de l'effusion du sang humain, qu'au rapport de Plin, elle defend à la terre de s'ouurir pour heberger le serpent qui a mordu l'homme. On m'a dit de certains peuples de Scythie, qui ayant beu le ius de quelques herbes, ils deuenoient loups pour vn temps: & vous autres beuuans le sang de vos semblables, deuez loups pour tousiours. Ne se trouuera-il point quelques bons François pour estouffer ces Tiphons qui engendrent vne miliade de chimeres, & qui leurs mettent au lieu d'un collier de branches de figuier, ainsi qu'on met au taureau furieux qu'on veut appaiser, vn collier de corde pour assoupir leur rage.

Le Polonois.

Ma foy c'est assez presché pour auoir vne fois à boire.

Charon.

Et tu en as assez fait, tu peux seruir tantost à faire des grillades, l'on t'accommodera tout de rosty, si tu pouuois estre icy par Procureur, il t'en prendroit bien mieux.

Le Polonois.

Comment diable, est ce tout de bon, cher Charon, que me dis-tu là, chose estrange & difficile à croire, n'y a il point moyen de m'exempter de tels repas, me deust-on passer maistre?

Charon.

Je sçay ce qu'on a fait à tous les Soldats du Prince de Con-

dé que i'ay passez, & qui n'auoient pas la peau moins delicate que toy.

Le Polonois.

Après le coup on voit la faute, tousiours ie ne suis pas seul, beaucoup m'ont precedé, & beaucoup me suiuront.

Charon.

Ils auront pareil traitement ces mangeurs de poulles & d'oyes, tes compagnons viendront icy cracher les plumes, i'auray de quoy faire vn trauerfain pour reposer ma teste quand ie feray las, c'est tout ce que ie puis esperer de ces voleurs de pain ne Gonesse, car pour de l'argent ils apprehenderoient s'ils en estoient chargez d'enfoncer dans vne orniere, ce qui vient de la fluste, s'en retourne au tambour.

Le Polonois.

En vous escoutant, ie n'ay pas laissé de penser que s'il y auoit moyen d'eschaper d'icy, ie ne le fisse tres. volontiers.

Charon.

Ie te feray si tu veux retourner au monde, à la charge que tu porteras vne Lettre au Prince de Condé.

Le Polonois.

Ie luy feray bien entendre de bouche ce que vous voulez luy dire, ce n'est pas que si vous plaist ie ne porte plustost quatre Lettres: mais si n'ayant point de corps il me va prendre pour vn phantome, & qu'il ne me permette pas de l'aborder, c'est vn rude ioüeur, ie ne voudrois pas auoir affaire à luy.

Charon.

Il t'escouterà quand il sçaura que tu viens de ma part, il me connoist bien pour auoir esté quatrefois en quatre batailles prest d'entrer en ma barque, si la valeur qui l'auoit conduit dessus ces bords ne m'eust fait pitié, & mesmement depuis l'iniuste querelle qu'il soustient, ie l'ay renuoyé deux ou trois fois d'icy.

Le Polonois.

A ce compte, il me sera facile de me faire donner audience: mais que vous plaist-il Monsieur que ie luy dise, de la part de son bon amy Charon.

Charon.

Dis luy que sur les plaintes faittes par infinis esprits, que

les brutalitez de ses soldats ont fait sortir à force de leurs corps es enuiron de Paris, toutes les Chambres Plutoniques assemblées, ont conclu, que ceux de sa faction qui viendroient dorefnauant au Royaume des Parques, seroient appliquez à diuers tourments, & que Iupiter en a escrit à son frere Pluton, qui apres lecture faite de sa Lettre, à ordonné & ordonne, que le vain trauail des Danaïdes les occupe, & soit leur exercice continuel, que quelques-vns d'entr'eux porteurs reportent avec Sisiphe sur le sommet d'une haute montagne, le morceau d'un Rocher roullant, qu'avec Ixion ils soient attachez à une rouë, dont le mouuement est perpetuel; qu'ils soient vezez avec Tantale d'une faim & d'une soif extrême, & que des pommes qu'ils sentiront sur leurs lèvres, ils n'en puissent prendre une bouchée: que le vautour de Titie rongge & deuore leurs entrailles tousiours renaissantes: que l'Aigle qui déchire le miserable Promethée s'acharne sur eux: qu'ils soient assis toute leur vie aupres de Thesée; qu'ils tremblent tousiours avec Phlegias, & se cuident à chaque moment du iour accrauantez, sous la cheute d'une roche penchante. Enfin qu'ils soient punis selon leurs merites: c'est à dire, par des tourments infinis.

Le Polonois.

J'aurois bon mestier d'auoir une memoire artificielle, pour me souuenir de tout ce que vous m'avez dit.

Charon.

Si tu veux te sauuer des peines qui t'attendent, tu feras ton message, oublie plustost à me dire adieu, qu'à t'en retourner.

Le Polonois.

Adieu donc Monsieur le Diable, quelque sot demeureroit icy.

F I N.